

estatuts

Unitat d'Aran – Partit Nacionalista Aranés



estatuts

5au Congrés d'Unitat d'Aran – Partit Nacionalista Aranés
Aran, 19 d'abriu de 2008



Indèx

<u>I. PRINCIPIS GENERAUS</u>	<u>3</u>
Art.1. Principis organizatius	4
<u>II. AFILIATS E AFILIADES</u>	<u>6</u>
Art.2. Afiliats e afiliades.	6
Art.3. Afiliats e afiliades: Drets e déuers.	6
Art.3.1. Drets des Afiliats e afiliades.	6
Art.3.2. Déuers des Afiliats e afiliades.....	7
Art.4. Simpatizants.....	8
<u>III. ÒRGANS DE GOVERN DETH PARTIT.....</u>	<u>8</u>
III.1. ÒRGANS DE DIRECCION POLITICA E CONTRARÒTLE DERA GESTION 9	
Art.5. Eth Congrès Nacionau.....	9
Art.6. Era Assemblada de Militants	10
III.2. ÒRGANS EXECUTIUS DETH PARTIT	12
Art.7. Era Comission Executiva	12
Art.7.1. Composicion dera Comission Executiva.....	12
Art.7.2. Comission Permanenta.....	14
<u>IV. ESTRUCTURA DETH PARTIT</u>	<u>14</u>
Art.8. Eth President/a	14
Art.9. Eth Vicepresident/a.....	14
Art.10. Eth Secretari/a Generau	14
Art.10.1. Eleccion deth President/a e eth Secretari/a Generau.	15
Art.11. Assemblades Locaus.....	15
Art.12. Era Comission De Listes	16
Art.13. Es secretaris/es d’Airau	16
<u>V. FINANCES DETH PARTIT.....</u>	<u>17</u>
<u>VI. ERA DUBERTURA DETH PARTIT.....</u>	<u>18</u>
Art.14. Organizacions aderides e associades	18
<u>VII. PATRIMÒNI E REGIM JURIDIC.....</u>	<u>18</u>

Art.15. Patrimòni.....	18
Art.15.1. Regim Juridic.....	19
<u>VIII. CARGUES PUBLICS DETH PARTIT</u>	20
Art.16. Relacion des cargues elèctes e publics tamb eth Partit	21
<u>IX. DISPOSICIONS DIUÈRSES.....</u>	21
Art.17. Era democràcia paritària.	21
Art.18. Libertat d'expression e corrents d'opinion.....	21
Art.19. Modificacion des Estatuts.....	22
Art.20. Dissolucion deth Partit.....	22
Art.21. Relacion tamb eth PSC.	22

I. PRINCIPIIS GENERAUS

Eth nòm deth Partit ei: Unitat d'Aran-Partit Nacionalista Aranés (UA-PNA), e eth sòn airau territorialiu ei Aran. Era sua actuacion se regís per aguesti Estatuts.

Unitat d'Aran (PNA) recuelh eth pensament de corrents progressistes ena luta entara emancipacion socialu en tot respectar es credences personaus e, damb aguesta ideologia, atier era identitat d'Aran entà desvolopar era actuau Lei d'Aran e arténher en sòn dia er Estatut d'Autonomia.

Damb era vedença de hèr tèsta as rèptes cambiants dera societat actuau e damb era volentat de trapar-i responses, Unitat d'Aran (PNA) recuelh es bases dera democràcia com un sistèma dubèrt as opinions personaus e individuaus des sòns afiliats e afiliades e des sons simpatizants. Se base en debat democratic entà cercar eth consens.

Unitat d'Aran (PNA) ei un partit sorgit dera volentat unitària e constituentia d'òmes e hemnes qu'an ua ideologia comuna e compartissen:

- Uns valors fonamentaus comuns: era libertat, era igualtat, era justícia socialu, era sostenibilitat, era solidaritat e era patz.
- Un projècte politic entà Aran, entà mantier era identitat deth nòste país e entath reconeishement efectiu, en toti es sòns àmbits, des drets nacionaus e istorics que li apertien.
- Era defensa dera igualtat d'òmes e hemnes.
- Eth besonh de respóner as problèmes socials que gesquen en quinsevolh moment laguens dera nòsta societat
- Eth besonh de facilitar era integracion socialu, culturau e lingüística, entà que toti es que viuen e trabalhen en Aran. Unitat d'Aran (PNA) lutarà e trabalharà entà qu'es institucions faciliten es mieis entà qu'aguest besonh sigue ua realitat.
- Era idea de fomentar era autoestima d'èster e sentè-se aranés en toti es ciutadans d'Aran.
- Era idea d'ordenar eth territòri entà aufrir en Aran ua nauta qualitat sostenible.

- Eth desir de daurir Aran tath mon entà auer preséncia en toti es possibles ambits.
- Un programa politic de reformes e accions que permeten auançar ena realizacion d'aguesti objectius.

Art.1. Principis organizatius

Era organizacion deth Partit se base enes principis que seguissen:

- a) Era democràcia coma forma de participacion des afiliats e afiliades ena vida deth Partit.
- b) Eth respècte ara libertat de consciéncia, eth liure pensament e era liura expression de cadun des afiliats e afiliades. Era libertat de discussion e d'expression serà absoluta en toti es nivèus deth Partit.
- c) Era opcion decidida entara igualtat efectiua des òmes e hemnes laguens deth Partit, rason pera que s'adoptarà eth principi de democràcia paritària.
- d) Era disciplina respècte es decisions adoptades pes òrgans competents deth Partit, laguens deth quau i aurà ua soleta estructura organica, ua soleta de politica e ua soleta accion comuna, cossent damb es resolucions adoptades en Congrès. Damb aguesta finalitat, es nomentades decisions auràn d'èster coneishudes en sòn moment pes afiliats e afiliades.
- e) Era eleccion periodica des òrgans directius, executius e de contròtle, e era possibilitat de revocar-les totau o parciaument.
- f) Era autonomia des sòns òrgans, laguens dera competéncia estatutaria de cadun d'eri.
- g) Eth caractèr collegiat des òrgans directius, executius e de contròtle.
- h) En coeréncia damb eth principi de transparéncia e publicitat ena prenuda de decisions, es que siguen adoptades pes òrgans competents deth Partit auràn d'èster publicades o registrades en un tèrme de temps rasonable.
- i) Eth debat politic permanent coma esturment entà apregondir ena formacion e capacitacion politica des afiliats e afiliades, entath

coneishement e sintèsi des diuèrsi plaçaments existents en Partit e entara adopcion de decisions en foncion de critèris politics.

- j) Eth renauiment periodic de besonh des cargues de direccion intèrna e des candidats e candidates tà cargues publics.
- k) Era descentralizacion e eth principi de subsidiarietat coma critèri de distribucion de recorsi e competències entre es diferents nivèus dera organizacion deth Partit.
- l) Se potenciarà era participacion activa des militants damb mès de 25 ans d'afiliacion o qu'agen ostentat cargues publics significatius, en tot amiar a tèrme per part deth partit accions de reconeishement deth sòn prètzhèt ena consolidacion deth partit.

En aplicacion des principis inspiradors dera organizacion, e sense perjudici de d'auti aspèctes que figuren en aguesti Estatuts, s'establiessen es garanties que seguissen:

- a) Ena eleccion des òrgans directius e executius a toti es nivèus serà preceptiua era practica de vòt liure e secrèt des membres deth Partit.
- b) Es acòrds des òrgans directius e executius deth Partit seràn vinculants entà toti es membres que les compòsen, independentament deth sòn plaçament individuau, que poderà expresar-se tant externament com internament. Damb aguesta finalitat, es nomentades decisions auràn d'èster coneishudes pes afiliats e afiliades.
- c) Ena eleccion des cargues de direccion e execucion deth Partit, atau com ena designacion des candidats e candidates qu'agen de figurar enes listes electoraus, ei un objectiu deth Partit qu'andús sèxes agen era maxima representacion.
- d) Se poderà facilitar era incorporacion de nauï afiliats e afiliades enes òrgans directius e executius tostemp qu'ac assolide era Assemblada de militants.

II. AFILIATS E AFILIADES

Art.2. Afiliats e afiliades.

Era edat minima entà afiliar-se ath partit ei de 18 ans. Qui se volgue afiliar ath Partit ac harà per miei d'ua solitud escrita, er aval de dus afiliats o afiliades e era fotocòpia deth sòn carnet d'identitat. Es prepauses d'alta seràn aprovades o denegades ena pròplèu Comission Executiua que se celèbre.

En cas d'oposicion motivada per quauque membre deth Partit, era Comission Executiua pòt denegar era afiliacion dempús d'ua audiència prèvia damb er interessat.

Art.3. Afiliats e afiliades: Drets e déuers.

Art.3.1. Drets des Afiliats e afiliades.

- a) Participar ena elaboracion, conéisher, deféner e aplicar eth programa, era linha politica, es Estatuts, es resolucions deth Congrès e es acòrds des òrgans directius deth Partit.
- b) Participar activament ena vida intèrna deth Partit en tot amiar-i a tèrme ua activitat politica especifica. Es afiliats e afiliades participaràn enes amassades e assemblades deth Partit.
- c) Expressar liurament es sues opinions damb plen respècte entàs afiliats e afiliades e tath Partit, amassar-se ena sedença deth Partit, expressar-se a traùers des sòns òrgans e dirigir-se as madeishi, presentar o demanar informacion, suggeréncies, critiques e èster atengudi per toti eri.
- d) Participar ena prenuda de decisions e poder conéisher es que s'an adoptat pes òrgans competents deth Partit. Cap afiliat o afiliada non demorarà vinculat per cap decision prenuda per quinsevolh òrgan competent s'aguest non a estat degudament informat.
- e) Ester elector e elegible en totes es instàncies organizatives deth Partit cossent damb es disposicions d'aguesti Estatuts.

- f) Ester elegible e participar en nomenament de candidats e candidates entà cargues de representacion publica cossent damb es disposicions d'aguesti Estatuts e damb es disposicions establides peth Reglament d'Eleccions.
- g) Recéber era solidaritat deth Partit en cas de dificultats derivades dera accion publica.
- h) Cap membre deth Partit non poderà èster despossegit des sòns drets se non ei per ua decision adoptada pera Assemblada de militants.

Art.3.2. Déuers des Afiliats e afiliades.

- a) Cotizar periodicament per miei de domiciliacion bancària exceptadi cassi excepcions qu'aconselhen un aute procediment, cossent damb es normes establides. Un viatge passadi sies mesi sense cotizar, se lo cridarà ara disciplina dera cotizacion; s'en tèrme de sies mesi a comptar dera data de comunicacion non i auésse responsa satisfactòria, perderie era sua condicion d'afiliat o afiliada, prèvia notificacion escrita dera situacion ena quau se tròbe. Aquerirà alavetz eth caractèr de simpatizant, enquia que pague es quòtes pendentes de pagament.
- b) Er afiliat o afiliada d'Unitat d'Aran (PNA) sonque poderà compartir aguesta militància damb era deth Partit dels Socialistes de Catalunya. Exceptat aquest nomenat supòsit, non se poderà afiliar a cap d'aute partit, ne poderà potenciar-ne cap d'aute que non siguen Unitat d'Aran (PNA) e eth PSC. Era preséncia enes listes electoraus que non pòrten es sigles UA o PSC les aurà d'aprovar era Assemblada de militants.
- c) Entà poder èster trigats en quinsvolh cargue public, organic o de representacion, es afiliats e afiliades auràn d'èster ath dia des sues obligacions economicas damb eth Partit en moment dera sua nomenclacion e pendent tot eth periòde qu'aucepe eth cargue.

Coma garantia de contacte permanent deth Partit damb era societat, ei de besonh qu'es afiliats e afiliades d'Unitat d'Aran (PNA) participen activament enes despàrièras entitats e associacions que compòsen er hilat social d'Aran, en tot aportar es sòns valors e principis progressistes.

Aguest contacte permanent damb era realitat sociau se complementarà damb es campanhes deth pòrta a pòrta, difusion de propaganda e informacion, mobilizacion enes periòdes electoraus (especialment en tot exercir d'interventors), eca.

Se considerarà ua falta e poderà èster sancionable: incomplir es acòrds deth Partit, auer ua conducta contrària damb es principis deth Partit, hèr declaracions que poguen desgastar era imatge publica, hèr acusacions grèus e injustificades contra un aute afiliat e, en generau, non complir es déuers de militància o auer un comportament contrari ath contengut d'aguesti Estatuts.

Art.4. Simpatizants

Es persones que desiren colaborar damb eth Partit sense assumir es drets e es déuers des afiliats e afiliades poderàn èster vinculadi damb aguest damb era qualificacion de simpatizants, tostemp que non siguen afiliats o afiliades a un aute partit.

En aguest sentit, poderàn èster consideradi simpatizants aqueri qu'ac agen demanat de manèra formau o qu'agen desvolopat quauque tipe d'activitat estacada dirèctament damb eth Partit.

Es simpatizants e simpatizantes poderàn èster convocadi e participar enes sessions informatives e de debat especific, atau com en deliberacions programatiques. Poderàn participar en referèndums e en procèssi de nomenament de candidats e candidates, mès, en quinsevolh cas, en un collègi pròpi e diferent ath des afiliats e afiliades.

Collaboraràn damb eth Partit enes activitats e mobilizacions que les siguen pròpies, e tanben poderàn colaborar economicament s'ac desiren.

Unitat d'Aran (PNA) portarà un registre des sòns simpatizants.

III. ÒRGANS DE GOVERN DETH PARTIT.

Son òrgans de direccion politica e contraròtle dera gestion deth Partit eth Congrès Nacionau, era Assemblada de Militants e es Assemblades Locaus.

Son òrgans executius era Comission Executiva, era Comission Permanenta e era Comission de Listes.

III.1. ÒRGANS DE DIRECCION POLITICA E CONTRARÒTLE DERA GESTION

Art.5. Eth Congrès Nacionau

Eth Congrès Nacionau ei eth maxim òrgan deth Partit. Aurà competència exclusiva entà establir era sua estructura intèrna, regular era sua disciplina e elaborar era sua politica e eth sòn programa.

Eth Congrès ei constitusit per toti es militants deth Partit. S´amassarà damb caractèr ordinari, aumens cada quate ans, dempús dera convocatòria dera Assemblada de Militants, e damb caractèr extraordinari quan ac convòque era Comission Executiva, era Assemblada de Militants o ben quan ac solliciten era mitat mès un des afiliats e afiliades deth Partit.

Eth Congrès aurà es atribucions que seguissen:

- a) Establir era estructura intèrna deth Partit e reformar, se cau, es Estatuts.
- b) Elaborar ua estratègia e era linha politica deth Partit e eth programa de govèrn entà Aran.
- c) Decidir es relacions deth Partit damb d´auti partits e organizacions.
- d) Aprovar o refusar era gestion dera Comission Executiva.
- e) Refrendar es membres dera Comission Executiva.
- f) Elegir eth President o Presidenta.
- g) Elegir eth Secretari/a Generau.

Era convocatòria ordinària deth Congrès se harà aumens damb quate mesi d´auança, e s´enviarà simultanèament ua prepausa d´Orde deth Dia e es ponències marc aprovades pera Comission Executiva. Aguestes ponències les elaboraràn es comissions integrades pes afiliats e afiliades que desiren participar-i.

Es militants auràn 50 dies entà formular suggerències ar Orde deth Dia, presentar prepauses, esmenes parciaus o ponències alternatives sus matèries de diuèrsa natura, siguen o non includides enes ponències marc.

50 dies abantes dera data mercada entara celebracion deth Congrès, era Assemblada de Militants, mejançant era Comission Executiva, enviarà a toti es afiliats e afiliades ua memòria, damb totes es ponències o proposicions

refusades, amassa damb ua memòria dera gestion dera Comission Executiva e dera Assemblada de Militants.

Es esmenes que se receben damb un minimom de temps de 15 dies abantes de començar eth Congrès s'editaràn e despartiràn entre es afiliats e afiliades abantes d'encetar-se eth Congrès.

Quan circumstàncies especials aconselhen era convocatòria d'un Congrès extraordinari non calerà basar-se enes tèrmes establidi, maugrat que tostemp aurà d'èster convocat damb 40 dies d'auança. En cas d'escadença especial, eth Assemblada de Militants poderà amendrir de manèra puntuau eth tèrme prèvi de convocatòria.

Eth Congrès Extraordinari sonque poderà préner resolucions sus matèries que figuren en Orde deth Dia dera convocatòria.

Art.6. Era Assemblada de Militants

Era assemblada de militants ei eth òrgan maxim de decision deth Partit entre Congrèssi.

Compausen era Assemblada de Militants, e i seràn convocadi, toti es militants. S'amassarà coma minim un viatge ar an en session ordinària entà escotar er informe de gestion deth Secretari Generau e jos er orde deth dia signat peth President.

Se poirà amassar en session extraordinària cada viatge que sigue de besonh a instàncies dera Comission Executiva o d'ua quataua part des afiliats. Es sessions extraordinàries se convocaràn damb era urgència de besonh, a despièch qu'es acords que se prenguen sonque seràn valids se s'a notificat era convocatòria a toti es sòns membres e s'obten un quòrum minim dera mitat mès un des sòns components.

Son competéncies dera Assemblada de militants:

- a) Definir era politica deth Partit, en tot qu'eth Congrès non s'age amassat, cossent damb es resolucions deth darrèr Congrès, qu'en cap de cas non poderàn ester alterades pera assemblada de militants.

- b) Aprovar, en sòn cas, es conclusions des conferéncies des Comissions Sectoriaus, atau com es des jornades o seminaris que se convòquen entà desvolopar era linha politica deth Partit.
- c) Controtlar era gestion dera Comission Executiua e revocar-la s'ei de besonh, totau o parciaument.
- d) Curbir entre es sòns integrants es vacants que i age, per dimission, revocacion o d'alti motius, ena Comission Executiva deth Partit. Quan es vacants dera Comission Executiva tanhen ara Secretaria Generau deth Partit, o ben ara mitat mès un des sòns membres, era assembleada de militants convocarà un Congrès Extraordinari entara eleccion d'ua naua Comission Executiva deth Partit.
- e) Aprovar es pressupòsti ordinaris e extraordinaris deth Partit.
- f) Fixar e revisar es quòtes des afiliats e afiliades.
- g) Informar en tot moment as afiliats e afiliades des deliberacions e resolucions prenudes.
- h) Dirigir es linhas fonamentaus dera politica electorau deth Partit coma son programes e aliances electoraus, d'acòrd damb es resolucions deth Congrès. Designarà es candidats e candidates que se presentaràn entàs eleccions que se celebren dehòra d'Aran e ratificarà as prepausats pes afiliats e afiliades de cada municipi e de cada terçon entà presentar-se tàs eleccions municipaus e tath Conselh Generau, respectivament.
- i) Controtlar era actuacion des parlamentaris e es parlamentàries e de toti es afiliats e afiliades deth Partit qu'agen cargues publics.
- j) Nomentar ua Comission Gestora en cas de dimission dera Comission Executiva.
- k) Convocar eth Congrès deth Partit e daurir eth periòde de presentacion de candidatures.
- l) Trigar es representants entath Conselh Nacionau deth PSC.
- m) Determinar era quantitat economica qu'an d'aportar es cargues publics damb retribucion, segontes es circumstàncies particulars de cada cas.
- n) Prepausar es persones entàs cargues d'eleccion non dirècta.

Es membres dera Comission Executiva non poderàn exercir eth dret a vòt enes apartats c) e i).

Per ua decision aprovada pera majoria dera Assemblada de Militants presents en ua session validament constituïda e tostemp qu'aguesta prepausa cònte ena orde deth dia, era Assemblada de Militants o era Comission Executiva poderà convocar un referèndum sus decisions politiquas puntuaus d'importància cabdau, entà que poguen èster aprovades peth conjunt des afiliats e afiliades. Aguest tipe de referèndum podera èster convocat tanben per miei d'ua demana escrita deth 15% des afiliats e afiliades.

Era mesa dera assemblada de militants serà presidida peth President e eth Secretari Generau.

III.2. ÒRGANS EXECUTIUS DETH PARTIT

Art.7. Era Comission Executiva

Era Comission Executiva executa es acòrds deth Congrès e dera Assemblada de Militants.

Especificament son foncions dera Comission Executiva:

- a) Elaborar e mantier eth cens des afiliats e afiliades deth Partit.
- b) Requestrar es quòtes des afiliats e afiliades.
- c) Mantier relacions damb d' auti grops politics e sindicaus.
- d) Nomentar un portavotz deth Partit.
- e) Editar era premsa o revistes deth Partit.
- f) Organizar e fomentar era formacion des afiliats e afiliades.
- g) Amiar a tèrme era administracion e gestion deth Partit, es sues finances e patrimòni.
- h) Garantir eth foncionament regular dera organizacion deth Partit.

Demorarà facultada entà realizar toti es actes relacionats damb eth crèdit e era administracion entath desenvolopament des activitats deth Partit, cossent damb es decisions dera Assemblada de Militants, ara quau balharà compdes.

Art.7.1. Composicion dera Comission Executiva.

Era Comission Executiva ei formada per:

- a) Eth President/a.
- b) Eth Vicepresident/a
- c) Eth Secretari/a Generau.
- d) Es Secretaris/es de:
 - Accion Municipau e Organizacion.
 - Comunicacion e Relacions Exteriors.
 - Accion Politica.
 - Accion Sociau e Ciutadania.
 - Formacion e Innovacion.
- e) Es caps de lista ath Conselh Generau d´Aran per cada terçon. Tostemp qu´aguesti siguen afiliats o afiliades deth partit, en cas contrari se nomenarà entà formar part dera Comission Executiva era persona que vage darrèr sòn enes darrères listes electoraus.
- f) Era coordinadora der Airau de Promocion dera Democràcia Paritària.
- g) Es alcaldes o caps de lista des municipis de mès de 500 abitants. Tostemp qu´aguesti siguen afiliats o afiliades deth partit, en cas contrari se nomenarà entà formar part dera Comission Executiva era persona que vage darrèr sòn enes darrères listes electoraus.
- h) Es representants des Assemblades Locaus seràn escuelhudi ena pròpria Assemblada Locau de cada Terçon e se coneisheràn damb eth nòm de Coordinadors Territoriaus.
- i) Es Deputats o membres elegits en d´autres institucions. Tostemp qu´aguesti siguen afiliats o afiliades deth partit, en cas contrari se nomenarà entà formar part dera Comission Executiva era persona que vage darrèr sòn enes darrères listes electoraus.
- j) Es militants que pera sua importància sociau siguen designadi pera Executiva e ratificadi pera Assemblea de Militants.
- k) Eth representant deth Setau Terçon. Ei a díder eth representant de toti es afiliats d´Unitat d´Aran que residissen dehòra d´Aran.

Era Comission Executiva renaurà automaticament es cargues elèctes qu´en formen part, dempús de cada eleccion.

Art.7.2. Comission Permanenta.

Eth President, eth Secretari Generau e es Secretaris d'Airau formaràn era Comission Permanenta.

IV. ESTRUCTURA DETH PARTIT

Art.8. Eth President/a

Era figura deth President d'Unitat d'Aran serà era qu'amasse e represente institucionaument eth nòste Partit.

Es sues atribucions seràn:

- Presidir e convocar eth Congrés Nacionau, era Assemblada de Militants, era Comission Executiva e era Comission Permanenta.
- Presidir era Comission de Listes.
- Es foncions de representacion Institucionau.

Art.9. Eth Vicepresident/a

Eth Vicepresident/a balharà supòrt ath President/a e assomirà es funcions qu'aguest li delègue.

Art.10. Eth Secretari/a Generau

Era figura deth Secretari Generau aurà com objècte dirigir e orientar era organizacion politica deth partit, en tot surveilhar eth compliment des orientacions des òrgans competents, atau com coordinar es accions e actuacions des representants politics enes administracions a on UA-PNA age representacion.

Es sues atribucions seràn:

- Coordinar era accion des elèctes.
- Coordinar era accion entre administracions e encastre de representacion a on i sigue present UA-PNA.
- Impulsar era presència d'UA-PNA enes Institucions d'Aran en tot augmentar era presència deth partit enes procèssi electoraus.
- Executar es acòrds dera executiva e dera permanenta.

Art.10.1. Eleccion deth President/a e eth Secretari/a Generau.

Eth President/a e eth Secretari/a Generau seràn escuelhudi pera majoria des militants assistents ath Congrès Nacionau, cada quate ans, per miei de votacion secrèta entre es candidatures presentades entà cadun d'eri.

Quinsevolh militant poirà presentar era sua candidatura entad aguesti cargues. Eth Secretari Generau escuelhut designarà eth Vicepresident/a e es secretaris/es:

- Accion Municipau e Organizacion
- Comunicacion e Relacions Exteriors
- Accion Politica
- Accion Sociau e Ciutadania
- Formacion e Innovacion

Art.11. Assemblades Locaus.

Es assemblades locaus son es òrgans qu'amassen es militants e simpatizants des pòbles d'Aran. S'amassaràn periodicament, coma minimom un viatge per semèstre, mès poirà èster convocades quan era Comission Executiva o es Coordinadors Territoriaus d'aguestes assemblades ac consideren oportun. Tanben poirà èster convocades a demana des militants.

Era Comission Executiva s'amassarà coma minimom un viatge ar an damb cadua des Assemblades Locaus.

Es cargues alistadi informaràn dera sua gestion deuant des Assemblades Locaus damb ua periodicitat inferiora as sies mesi.

Es Assemblades auràn foncions de debat, assessorament, mobilizacion e composicion e ratificacion de listes electoraus locaus.

En cas d'oportunitat politica o demana dera Comission Executiva, o des militants, es Assemblades Locaus d'un Terçon poirà, jos era denominacion d'Assemblada de Terçon, abordar aqueres qüestions que les afècten coma territòri.

Art.12. Era Comission De Listes

Era Comission de Listes serà era responsabla de confeccionar es listes electoraus d'Unitat d'Aran PNA.

Era Comission de Listes serà presidida peth President deth Partit e serà formada pera Comission permanenta e es Coordinadors Territoriaus.

Era comission de listes serà creada aumens un an abantes des eleccions, e aurà de sajar de presentar es listes ara Comission Executiva e ara Assemblada de Militants coma minim tres mesi abantes des eleccions, entà qu'aguesti les apròven. Es membres dera Comission de Listes passaràn a èster membres deth Comitad de Campanha un viatge en periòde electorau, e eth son trabalh començarà en moment qu'es listes proposades siguen aprovades.

Art.13. Es Secretaris/es d'Airau

a) Secretari/a d' Accion Municipau e Organizacion.

Ei eth responsable d'establir era coordinacion tamb eth mon locau e damb era Deputacion de Lleida. Ena sua responsabilitat i a era organizacion territoriau deth partit tamb er objectiu d'ampliar, mielhorar e ajudar a representants d'UA-PNA enes ajuntaments.

b) Secretari/a de Comunicacion e Relacions Exteriors.

A de surveilhar era preséncia d'UA-PNA enes mieis d'informacion e impulsar es mieis pròpris de difusion tà hèr arribar era accion d'UA-PNA ara ciutadania.

c) Secretari/a d'Accion Politica.

Ei eth responsable de redigir es programes electoraus, eth sòn acompliment e eth seguiment des madeishi, atau com era sua difusion, en tot era participacion des militants enes procèssi de prenuda de decision sus es ahèrs d'orientacion politica.

d) Secretari/a d'Accion Sociau e Ciutadania.

Serà eth responsable d'establir es linhas d'actuacion enes politiques de coesion sociou e benèster, atau coma potenciar es relacions tamb era joenessa e era gent grana.

e) Secretari/a de Formacion e Innovacion.

A com objectiu coordinar era actuacion des comissions deth partit, atau com garantir es procèssi de formacion, en tot organizar ues jornades de formacion un còp ar an.

V. FINANCES DETH PARTIT

Era Comission Executiva deth Partit, e laguens sòn era Secretaria de Finances, ei er òrgan que s'encuede dera administracion economica e patrimoniau deth Partit, de complir escrupulosament era legislacion vigenta en aguesta matèria e de garantir era maxima transparéncia ena obtencion e gestion des recorsi amiadi entà finançar es activitats deth Partit.

Concrètament, son competéncia dera Secretaria de Finances:

- a) Elaborar es pressupòsti de foncionament ordinari e extraordinari, atau com es pressupòsti des campanhes electoraus, qu'auràn d'èster aprovadi, prumèrament, pera Comission Executiva deth Partit e, definitivament, pera assembleada de militants. Era presentacion deth pressupòst ordinari anarà acompanyada damb era liquidacion deth pressupòst deth darrèr an e deth balanç generau.

- b) Dictar es normes de compliment obligat relatives ara administracion, finançament e comptabilitat des diuèrses instàncies deth Partit.
- c) Balhar compdes ara Comission Executiva, aumens un còp cada trimèstre, dera evolucion economica deth Partit.
- d) Prepausar ara Comission Executiva deth Partit era aprobacion dera quòta minima que cada afiliat e afiliada a d'aportar, atau com aqueres quòtes extraordinàries que, damb caractèr excepcional, considèrè de besonh.
- e) Controtlar es quòtes especificques des cargues publics deth Partit, tant d'elèctes com de liure designacion.

VI. ERA DUBERTURA DETH PARTIT

Art.14. Organizacions adderides e associades

Poderàn adderir-se ath Partit es associacions culturaus, professionaus, recreatives, cooperatives, centres d'estudis, clubs d'opinion e collectius sectoriaus, tostemp que non i age contradiccion entre es nòsti Estatuts e es sòns. Era addesion se formalizarà mejançant un convèni subscript damb era Comission Executiva deth Partit, en quau s'especificaràn es drets e dèuers des organizacions aderides, per miei des quaus poderàn exercir era participacion enes congrèssi deth Partit e ena assemblada de militants, atau com enes modalitats d'aguesta participacion que, tostemp, atierà es critèris establits en aguesti Estatuts. Era Assemblada de Militants aurà de ratificar aguesti convènien.

VII.PATRIMÒNI E REGIM JURIDIC

Art.15. Patrimòni.

Eth patrimòni d'Unitat d'Aran (PNA) ei constitusit pes béns e drets de quinsevolh tipe, aquerits per quinsevolh títol legau, e ei indivisible. Era expulsion, suspension o dimission des afiliats e afiliades o era dissolucion de quauque des òrgans territoriaus non da cap dret a quòtes, reemborsaments o divisions deth patrimòni, qu'ei tostemp d'exclusiva titularitat d'Unitat d'Aran (PNA).

Es recorsi economics e financèrs deth Partit son constitusidi per:

- a) Es quotes ordinàries des sòns afiliats e afiliades.

- b) Es aportacions econòmiques extraordinàries que puguin acordar els òrgans directius.
- c) Es aportacions econòmiques dels simpatitzants.
- d) Es rendiments del seu patrimoni.
- e) El producte de les seues activitats.
- f) Es donacions, legats e subvencions que reben.
- g) Es crèdits que concorre.
- h) Es aportacions econòmiques derivades de càrregues públiques, tant d'èlectes com de lliure designació.

Tots els afiliats e afiliades seran obligats a abonar una quota anual fixada per l'assemblea de militants.

La formalització de les operacions de compra-venta, pignoració o hipoteca de béns patrimonials del Partit serà acordada, prèvia aprovació de l'assemblea de militants, per la Comissió Executiva del Partit.

Es diaris, revistes e d'altres mitjans de comunicació social que siguin propietat del Partit dependran políticament e administrativament de la Comissió Executiva del Partit.

Art.15.1. Regim Juridic

Unitat d'Aran (PNA), consent amb la seua plena capacitat jurídica e patrimonial, podrà crear, establir e fondar associacions, clubs, fundacions e d'altres entitats parieres, dotar-les de patrimoni e regular les seues formes de funcionament e direcció. Podrà atau mateix, establir convenis d'actuació conjunta amb tota mena d'entitats culturals o altruistes, entera coordinació o mancomunitat d'activitats, amb la intenció de millorar el desenvolupament de les finalitats e objectius del Partit.

Entà promoure la democràcia paritària tal com e desprèn del Partit, s'ha estructurat tal com e desprèn de la Comissió Executiva un altre entà possar aquest principi.

VIII. CARGUES PUBLICS DETH PARTIT

Era designacion des membres deth Partit candidats o candidates entà cargues de representacion publica corresponderà tostemp en darrèr terme ara Comission Executiva e aurà d'auer en compde es prepauses dera òrgans directius deth Partit corresponents as circoscripcions deth sòn airau territorial.

Es prepauses de listes entàs eleccions locaus tath Conselh Generau, tath Parlament de Catalonha, Congrès des Deputats, Senat e Parlament Europèu, seràn tostemp portades entara Assemblada de Militants dempús d'un procès electorau en quau poderàn participar-i toti es afiliats e afiliades ath Partit en votacion individuau, liura, dirècta e secreta, segontes çò qu'establís er article 6.

Enes eleccions de caractèr locau, en cas que i age discrepàncies per part dera Assemblada de Militants, aguesta demanarà ara Comission de Listes qu'age hèt era prepausa un informe rasoat que serà examinat abantes de préner era resolucion definitiva.

Es cargues publics que non siguen d'eleccion dirècta seràn prepausats pera Comission Executiva o era Assemblada de Militants.

Era Comission Executiva elaborarà un Reglament de cargues publics que regularà era relacion d'aguesti damb era organizacion deth Partit, laguens des formes previstes en aguesti Estatuts. Es cargues de representacion publica assistiràn entàs amassades der òrgan directiu der ambit corresponent e tanben auràn veu.

Es cargues de representacion publica son elements fonamentaus dera relacion entre es ciutadans, eth Partit e es institucions e, en conseqüència, auràn ua especiau dedicacion as activitats que tanhen ar increment d'aguesta relacion e eth contacte dirècte damb era ciutadania e es entitats.

Dedicaràn, aumens e coma critèri generau, ua tresau part deth sòn temps disponible ara activitat organica e de relacion ciutadana e aportaràn as

finances deth Partit, eth percentatge dera sua retribucion mensua, en foncion des criteris qu'establisque era Comission Executiva.

Era Assemblada de Militants establirà es mecanismes de seguiment e avaloracion contunhada dera activitat que realizen e que permete garantir eth compliment d'aguesti critèris, que s'auràn en compde ara ora de confeccionar es listes electoraus.

Es registres d'actuacion politica seràn publics. Era Assemblada de Militants arbitrarà es mecanismes de besonh entà qu'aguesta informacion pogue èster accessible as integrants e integrantes dera Assemblada.

Art.16. Relacion des cargues elèctes e publics tamb eth Partit

Entàs membres deth Partit trigats en d'auti encastres d'activitat politica o qu'aucupen nauti cargues ena administracion, se seguiràn es critèris establits anteriorament tant en terren politic com en economic. Assistiràn enes amassades der organisme de direccion der airau territoriau corresponent damb veu mès sense vòt.

IX. DISPOSICIONS DIÛÈRSES

Art.17. Era democràcia paritària.

Se garantirà qu'enes òrgans directius, executius e candidatures electoraus deth Partit i age ua representacion pariona d'òmes e hemnes. Enes listes electoraus eth percentatge serà despartit omogenèament ath long dera lista.

Art.18. Libertat d'expression e corrents d'opinion.

Unitat d'Aran (PNA) considèrè qu'era libertat d'opinion e discussion intèrna son un des sòns patrimòms fonamentaus e cre qu'es afiliats e afiliades pòden e an d'expressar es sues opinions, tant individuaument coma collectiuament, en toti es moments dera vida politica dera organizacion.

Damb aguesta finalitat se poderàn constituir laguens deth Partit tant corrents d'opinion, tostemp qu'eth sòn àmbit sigue eth dera totalitat deth Partit e se vertèbren ath torn de tèsis politiques positives formulades explicitament e

recuelhudes en tèxtes publicadi, coma clubs de debat, d'opinion, d'afinitat e, inclús, d'associacions temporaus d'afiliats e afiliades, entà pr'amor de prebotjar opinions e projèctes especifics.

Era organizacion balharà ajuda operativa entath foncionament d'aquestes plataformes de debat.

Art.19. Modificacion des Estatuts.

Es presents Estatuts sonque poderà modificar-les eth Congrès. Non se poderà préner en consideracion cap prepausa de reforma sense auer includit abantes en orde deth dia deth Congrès un punt sus aguest hèt e s'eth projècte non s'a sosmetut a debat laguens deth Partit.

Art.20. Dissolucion deth Partit.

Serà causa d'extincion o dissolucion deth Partit era resolucion adoptada peth Congrès convocat damb caractèr extraordinari e per decision des 2/3 des vòts des afiliats e afiliades tostemp qu'era dissolucion figure en orde deth dia e era convocatòria s'age hèt tres mesi abantes dera celebracion deth Congrès.

Art.21. Relacion tamb eth PSC.

UA-PNA regule era sua relacion tamb eth PSC per miei d'un protocòl, signat eth 11 de deseme de 1999, en cas que s'age de modificar, s'aurà de sosméter ara aprobacion dera Assemblada de Militants.

Vielha, abriu de 2008